



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ԽՈՅ ՀԱՄԱՅՆՔ

ԱՐՁԱՆԱԳՐՈՒԹՅՈՒՆ N 02

13 ՓԵՏՐՎԱՐԻ 2024 թվական

ԱՎԱԳԱՆՈՒ ՀԵՐԹԱԿԱՆ ՆԻՍՏԻ

Համայնքի ավագանու նիստին ներկա էին ավագանու 12 անդամներ:

Բացակա էին՝ Աննա Գևորգյանը, Սեդա Գրիգորյանը, Վաչիկ Գրիգորյանը, Էդգար Համբարձումյանը, Ռոբերտ Հովսեփյանը, Արգիշտի Մեխակյանը, Սոֆիա Միրզախանյանը, Աշոտ Սահակյանը, Արմինե Մեսրոպյանը

Համայնքի ղեկավարի փոխարինողի հրավերով ավագանու նիստին մասնակցում էին՝ Տիգրան Մանուկյան, Բաբկեն Կարապետյան, Սուրեն Նավասարդյան, Աննա Մարգարյան, Արկադիկ Մկրտչյան, Դիանա Մկրտչյան, Սերոբ Գևորգյան, Լիպարիտ Հարությունյան, Վիրապ Սարգսյան, Գրիգոր Միրզոյան, Գևորգ Ղամբարյան

Նիստը վարում էր համայնքի ղեկավարի փոխարինող՝ Լյուդվիկ Յայլոյանը

Նիստն արձանագրում էր աշխատակազմի քարտուղարի փոխարինող՝ Ֆինանսատնտեսագիտական և գնումների բաժնի պետ՝ Շողիկ Պողոսյանը

Լսեցին

ԱՎԱԳԱՆՈՒ ՆԻՍՏԻ ՕՐԱԿԱՐԳԸ ՀԱՍՏԱՏԵԼՈՒ ՄԱՍԻՆ

/Զեկ. ԼՅՈՒԴՎԻԿ ՅԱՅԼՈՅԱՆ/

Զեկուցողը ներկայացրեց 2024 թվականի փետրվարի 13-ի թիվ 2 հերթականի նիստի օրակարգային հարցերը և առաջարկեց հաստատել այն: Ավագանու անդամների կողմից առարկություններ չլինելու արդյունքում:

Ղեկավարվելով <<Տեղական ինքնակառավարման մասին>> Հայաստանի Հանրապետության օրենքի 14-րդ հոդվածի վեցերորդ մասով:

ՀԱՄԱՅՆՔԻ ԱՎԱԳԱՆԻՆ ՈՐՈՇՈՒՄ Է՝

1. Հաստատել Հայաստանի Հանրապետության Արմավիրի մարզի Խոյ համայնքի ավագանու 2024 թվականի փետրվարի 13-ի թիվ 2 հերթական նիստի օրակարգը՝ համաձայն հավելվածի:

Կողմ-12 Դեմ-0 Ձեռնպահ-0

Որոշումն ընդունված է. /կցվում է որոշում N 13-Ա/

Լսեցին

ՓՈԽԱԴՐԱՄԻՋՈՅԻ ԳՈՒՅՔԱՀԱՐԿԻ ԳԾՈՎ ԱՐՏՈՆՈՒԹՅՈՒՆ ՍԱՀՄԱՆԵԼՈՒ ՄԱՍԻՆ

/Զեկ. ԼՅՈՒԴՎԻԿ ՅԱՅԼՈՅԱՆ/

Նիստը վարող Լյուդվիկ Յայլոյանը ներկայացրեց որոշման նախագծին կից հավելվածով սահմանված ցուցակը՝ Հայաստանի Հանրապետության պաշտպանության մարտական գործողությունների ընթացքում զոհված կամ ծառայողական պարտականությունները կատարելիս անհայտ կորած կամ անհայտ բացակայող կամ մահացած ճանաչված անձանց (կամ նրանց ընտանիքի անդամներին) սեփականության իրավունքով պատկանող հարկման օբյեկտ համարվող փոխադրամիջոցների վերաբերյալ և առաջարկեց քննարկել: Այս հարցի շուրջ ոչ ոք որևէ կարծիք չարտահայտեց և միաձայն ընդունվեց որոշումը:

Ղեկավարվելով Հայաստանի Հանրապետության հարկային օրենսգրքի 245-րդ հոդվածի առաջին մասի 3-րդ կետով, <<Տեղական ինքնակառավարման մասին>> Հայաստանի Հանրապետության օրենքի 18-րդ հոդվածի առաջին մասի 42-րդ կետով, հիմք ընդունելով համայնքի ղեկավարի առաջարկությունը.

ՀԱՄԱՅՆՔԻ ԱՎԱԳԱՆԻՆ ՈՐՈՇՈՒՄ Է՝

1. Սահմանել գույքահարկի գծով արտոնություն Հայաստանի Հանրապետության Արմավիրի մարզի Խոյ համայնքի բնակիչների՝ Հայաստանի Հանրապետության պաշտպանության մարտական գործողությունների ընթացքում զոհված կամ ծառայողական պարտականությունները կատարելիս անհայտ կորած կամ անհայտ բացակայող կամ մահացած ճանաչված անձանց (կամ նրանց ընտանիքի անդամներին) սեփականության իրավունքով պատկանող հարկման օբյեկտ համարվող փոխադրամիջոցի նկատմամբ՝ համաձայն հավելվածի:

Կողմ-12 Դեմ-0 Ձեռնպահ-0

Որոշումն ընդունված է. /կցվում է որոշում N 14-Ա/

Լսեցին

ԴՐԱՄԱԿԱՆ ՕԳՆՈՒԹՅՈՒՆ ՏՐԱՄԱԴՐԵԼՈՒ ՄԱՍԻՆ

/Զեկ. ԼՅՈՒԴՎԻԿ ՅԱՅԼՈՅԱՆ/

Զեկուցողը պարզաբանեց հարցի բովանդակությունը՝ նշելով համայնքապետարան դիմած անապահով ընտանիքների անդամներին և առաջարկեց քվեարկել:

Ղեկավարվելով <<Տեղական ինքնակառավարման մասին>> Հայաստանի Հանրապետության օրենքի 10-րդ հոդվածի 11-րդ կետով, հիմք ընդունելով սոցիալական ոլորտի հարցերի մշտական հանձնաժողովի եզրակացությունը, սոցիալական աշխատողի կատարած մոնիթորինգը, Հայաստանի Հանրապետության Արմավիրի մարզի Խոյ համայնքի անապահով բնակիչների կողմից ներկայացված դիմումները և համայնքի ղեկավարի առաջարկությունը.

ՀԱՄԱՅՆՔԻ ԱՎԱԳԱՆԻՆ ՈՐՈՇՈՒՄ Է՝

1. Հայաստանի Հանրապետության Արմավիրի մարզի Խոյ համայնքի սոցիալապես անապահով բնակիչներին տրամադրել դրամական օգնություն՝ համաձայն հավելվածի:

2. Համապատասխան ուսումնական հաստատություն փոխանցել Հայաստանի Հանրապետության Արմավիրի մարզի Խոյ համայնքի Դաշտ գողի բնակիչ <<Էջմիածնի Վարդգես Համազասպյանի անվան պետական քոլեջի>> պետական ոչ առևտրային կազմակերպության 2-րդ կուրսի ուսանող Միլենա Իգորի Թևոսյանի ուսման վճարը՝ 100000 /մեկ հարյուր հազար/ ՀՀ դրամ:

Կողմ-12 Դեմ-0 Ձեռնպահ-0

Որոշումն ընդունված է. /կցվում է որոշում N 15-Ա/

Լսեցին

**ԽՈՅ ՀԱՄԱՅՆՔՈՒՄ ՄԱՍՆԱԿՑԱՅԻՆ ԲՅՈՒՋԵՏԱՎՈՐՄԱՆ ԳՈՐԾԸՆԹԱՑ
ԻՐԱԿԱՆԱՑՆԵԼՈՒ ՆՊԱՏԱԿՈՎ ԳՈՒՄԱՐ ՀԱՏԿԱՑՆԵԼՈՒ ՄԱՍԻՆ**

/Զեկ. ԼՅՈՒԴԿԻԿ ՅԱՅԼՈՅԱՆ/

Զեկուցողը ներկայացրեց քննարկվելիք հարցը, որի հետ կապված ավագանու անդամների, հատկապես Գուրգեն Գրիգորյանի կողմից բարձրացված հարցերին բավարար պատասխան ստանալուց հետո ավագանու անդամները ողջունեցին նման կարևոր որոշման անհրաժեշտությունը և մտքերի փոխանակությունից հետո կողմ քվեարկեցին:

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 8-րդ հոդվածի 1-ին մասի 14-րդ կետով, 11-րդ հոդվածով, 13-րդ հոդվածի 10-րդ մասով, հիմք ընդունելով համայնքի ղեկավարի փոխարինողի առաջարկությունը.

ՀԱՄԱՅՆՔԻ ԱՎԱԳԱՆԻՆ ՈՐՈՇՈՒՄ Է՝

1. 2024 թվականի ընթացքում մասնակցային բյուջետավորման գործընթաց իրականացնելու նպատակով Հայաստանի Հանրապետության Արմավիրի մարզի Խոյ համայնքի 2024 թվականի բյուջեից հատկացնել 3 000 000 / երեք միլիոն / ՀՀ դրամ գումար:

2. Մասնակցային բյուջետավորման գործընթացի իրականացման համար սահմանվում են մշակույթ, սպորտ, երիտասարդություն ոլորտները՝ որպես առաջնահերթություն:

3. Մասնակցային բյուջետավորման գործընթացի ժամանակ առաջարկներ ներկայացնելու իրավասություն ունեն՝ ակտիվ բնակիչները, նրան ֆորմալ և ոչ ֆորմալ խմբերը, հասարակական կազմակերպությունները:

4. Համայնքի ղեկավարին՝

1) սույն որոշման 1-ին կետում սահմանված գործընթացը՝ որպես ծրագրային բաղադրիչ, ներառել համայնքի 2024թ-ի ՄԺԾԾ-ում, տարեկան աշխատանքային պլանում և բյուջեում

2) համայնքի բնակիչների կողմից քվեարկության արդյունքում ընտրված առաջարկը(ները) ներկայացնել ավագանու հավանությանը

3) իրականացնել վերահսկողություն մասնակցային բյուջետավորման գործընթացի նկատմամբ:

Կողմ-12 Դեմ-0 Ձեռնպահ-0

Որոշումն ընդունված է. /կցվում է որոշում N 16-Ա/

Նշված որոշման նախագիծը քննարկելիս

Լսեցին

ՓՈԽԱԴՐԱՄԻՋՈՑԻ ԳՈՒՅՔԱՀԱՐԿԻ ԳԾՈՎ ԱՐՏՈՆՈՒԹՅՈՒՆ ՍԱՀՄԱՆԵԼՈՒ ՄԱՍԻՆ

/Զեկ. ԼՅՈՒԴՎԻԿ ՅԱՅԼՈՅԱՆ/

Լյուդվիկ Յայլոյանը հարցի քննարկման ժամանակ նշեց, որ համայնքապետարանի համապատասխան հանձնաժողովի տունայցի արդյունքում արձանագրվել է տվյալ դիմողի անապահով վիճակը և առաջարկեց չմերժել նրա խնդրանքը:

Ղեկավարվելով Հայաստանի Հանրապետության հարկային օրենսգրքի 245-րդ հոդվածի երկրորդ մասով, <<Տեղական ինքնակառավարման մասին>> Հայաստանի Հանրապետության օրենքի 18-րդ հոդվածի առաջին մասի 42-րդ կետով, հիմք ընդունելով Հայաստանի Հանրապետության Արմավիրի մարզի Խոյ համայնքի Հայթաղ գյուղի բնակիչ, Գևորգ Հենրիկի Համբարձումյանի կողմից ստացված դիմումը, ով ունի հաշմանդամության 2-րդ կարգ /վնասվածքը ստացել է հակառակորդի հետ շփման գծում մարտական հերթապահության ժամանակ/ և համայնքի ղեկավարի փոխարինողի առաջարկությունը.

ՀԱՄԱՅՆՔԻ ԱՎԱԳԱՆԻՆ ՈՐՈՇՈՒՄ Է՝

1. Սահմանել արտոնություն՝ փոխադրամիջոցի գույքահարկից ազատել, Հայաստանի Հանրապետության Արմավիրի մարզի Խոյ համայնքի Հայթաղ գյուղի բնակիչ Գևորգ Հենրիկի Համբարձումյանին սեփականության իրավունքով պատկանող FORD FUSION 2.5 մակնիշի 37 QS 800 պետհամարանիշով փոխադրամիջոցի նկատմամբ՝ 83066 /ութսուններեք հազար վաթսունվեց/ ՀՀ դրամ գումարի չափով:

Կողմ-12 Դեմ-0 Ձեռնպահ-0

Որոշումն ընդունված է. /կցվում է որոշում N 17-Ա/

Լսեցին

ԳՈՒՄԱՐ ՀԱՏԿԱՑՆԵԼՈՒ ՄԱՍԻՆ

/Զեկ. ԼՅՈՒԴՎԻԿ ՅԱՅԼՈՅԱՆ/

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 12-րդ հոդվածի երկրորդ մասով, 18-րդ հոդվածի առաջին մասի 42-րդ կետով, 41-րդ հոդվածի երկրորդ մասով, հիմք ընդունելով Հայաստանի Հանրապետության Արմավիրի մարզպետի աշխատակազմի 2023 թվականի հունիսի 23-ի թիվ 01/20/04471-2023 գրությունը, «ՊԱՇՏՊԱՆ ՀԱՅՐԵՆՅԱՅ» ազգային-մշակույթային հիմնադրամի

հոգաբարձուների խորհրդի 2023 թվականի դեկտեմբերի 26-ի գրությունը և համայնքի ղեկավարի փոխարինողի առաջարկությունը.

ՀԱՄԱՅՆՔԻ ԱՎԱԳԱՆԻՆ ՈՐՈՇՈՒՄ Է՝

1. Հայաստանի Հանրապետության Արմավիրի մարզի Խոյ համայնքի Մրգաստան և Մոնթեավան բնակավայրերի ազդարարման համակարգերի՝ շջակների ձեռք բերման համար հատկացնել 900 000/ինը հարյուր հազար/ ՀՀ դրամ գումար:

2. Հայաստանի Հանրապետության «ՊԱՇՏՊԱՆ ՀԱՅՐԵՆՅԱՑ» ազգային մշակույթային հիմնադրամին՝ աշխատանքների լույս ընծայման համար, միանվագ տրամադրել 90000 /իննսուն հազար/ ՀՀ դրամ գումար:

Կողմ-12 Դեմ-0 Ձեռնպահ-0

Որոշումն ընդունված է. /կցվում է որոշում N 18-Ա/

Լսեցին

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ԽՈՅ ՀԱՄԱՅՆՔԻ
ԱՎԱԳԱՆՈՒ 2023 ԹՎԱԿԱՆԻ ԴԵԿՏԵՄԲԵՐԻ 27-Ի ԹԻՎ 174-Ա ՈՐՈՇՄԱՆ ՄԵՋ
ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ**

/Զեկ. ԼՅՈՒԴՎԻԿ ՅԱՅԼՈՅԱՆ/

Նշված հարցի զեկույցի ժամանակ նշվեց, որ տվյալ որոշման փոփոխությունը կապված է հաստիքացուցակում ավագանու խմբակցությունների փորձագետի և գործավարների հաստիքների ավելացման, ինչպես նաև համայնքապետարանի ցանցային ադմինիստրատորի հաստիքի ավելացման հետ: Հարց տվեց ավագանու անդամ Գուրգեն Գրիգորյանը, ով առաջարկում էր համայնքի կողից հավաքագրվող հարկերի արդյունքում առաջացած գումարները ծախսել այն առաջնահերթ ծրագրերի վրա, որոնք կքննարկվի տվյալ բնակավայրի բնակիչների հետ: Երկար քննարկումից հետո.

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի առաջին մասի 28-րդ կետով, 67-րդ հոդվածի 4-րդ մասով <<Նորմատիվ իրավական ակտերի մասին>> Հայաստանի Հանրապետության օրենքի 34-րդ հոդվածի 1-ին և 4-րդ մասերով.

ՀԱՄԱՅՆՔԻ ԱՎԱԳԱՆԻՆ ՈՐՈՇՈՒՄ Է՝

1. Հայաստանի Հանրապետության Արմավիրի մարզի Խոյ համայնքի ավագանու 2023 թվականի դեկտեմբերի 27-ի <<Հայաստանի Հանրապետության Արմավիրի մարզի Խոյի համայնքապետարանի աշխատակազմի, բյուջետային հիմնարկների կառուցվածքը, աշխատակիցների թվաքանակը, հաստիքացուցակը և պաշտոնային դրույքաչափերը հաստատելու մասին>> թիվ 174-Ա որոշմամբ հաստատված հավելված 2-ը և հավելված 10-ը շարադրել նոր խմբագրությամբ համաձայն համապատասխանաբար հավելված 1-ի և հավելված 2-ի:

Կողմ-10 Դեմ-0 Ձեռնպահ-2

Որոշումն ընդունված է. /կցվում է որոշում N 19-Ա/

Լսեցին

ԽՈՅ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՆԴԻՍԱՅՈՂ ԳՈՒՅՔԻ ԿԱՌԱՎԱՐՄԱՆ ԿԱՐԳԸ ՀԱՍՏԱՏԵԼՈՒ ՄԱՍԻՆ

/Զեկ. ԼՅՈՒԴՎԻԿ ՅԱՅԼՈՅԱՆ/

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 42-րդ կետով, Հայաստանի Հանրապետության Սահմանադրության 184-րդ հոդվածի 3-րդ մասով և հիմք ընդունելով Խոյ համայնքի ղեկավարի փոխարինողի առաջարկությունը.

ՀԱՄԱՅՆՔԻ ԱՎԱԳԱՆԻՆ ՈՐՈՇՈՒՄ Է՝

1. Հաստատել Հայաստանի Հանրապետության Արմավիրի մարզի Խոյ համայնքի սեփականությունը հանդիսացող գույքի կառավարման կարգը՝ համաձայն հավելվածի:

Կողմ-12 Դեմ-0 Ձեռնպահ-0

Որոշումն ընդունված է. /կցվում է որոշում N 20-Ա/

Լսեցին

ՀԱՄԱՅՆՔԱՅԻՆ ՍԵՓԱԿԱՆՈՒԹՅՈՒՆ ՀԱՆԴԻՍԱՅՈՂ ՀՈՂԱՄԱՍԸ ԿԱՐՁԱԿԱԼՈՒԹՅԱՆ ԻՐԱՎՈՒՆՔՈՎ ՕԳՏԱԳՈՐԾՄԱՆ ՏՐԱՄԱԴՐԵԼՈՒ ՄԱՍԻՆ

/Զեկ. ԼՅՈՒԴՎԻԿ ՅԱՅԼՈՅԱՆ/

Ղեկավարվելով Հայաստանի Հանրապետության հողային օրենսգրքի 56-րդ հոդվածի 5-րդ և 6-րդ մասերով, <<Տեղական ինքնակառավարման մասին>> Հայաստանի Հանրապետության օրենքի 18-րդ հոդվածի 1-ին մասի 21-րդ կետով, <<Հրապարակային սակարկությունների մասին>> Հայաստանի Հանրապետության օրենքով, հիմք ընդունելով համայնքի ղեկավարի առաջարկությունը.

ՀԱՄԱՅՆՔԻ ԱՎԱԳԱՆԻՆ ՈՐՈՇՈՒՄ Է՝

1. Մրցութային կարգով վարձակալության իրավունքով օգտագործման տրամադրել Հայաստանի Հանրապետության Արմավիրի մարզի Խոյ համայնքի սեփականություն հանդիսացող Աղավնատուն գյուղի Ն. մաթևոսյան փողոց 29/1 վարչական տարածքում գտնվող 04-006-0045-0015 կադաստրային ծածկագրով 0,0028 հա մակերեսով բնակավայրերի նպատակային նշանակության հասարակական կառուցապատման տարածքը 5 տարի ժամկետով, բացօթյա առևտրի համար տաղավար տեղադրելու նպատակով, տարեկան վարձավճարի մեկնարկային գինը սահմանել 50000 /հիսուն հազար/ ՀՀ դրամ:

2. Մասնակցության վճարը՝ 15000 /տասնհինգ հազար/ ՀՀ դրամ:
Նախավճարը սահմանել նախնական գնի 5 %-ը: Սահմանափակումներ չկան:

3. Հողատարածքի յուրաքանչյուր լոտի համար յուրաքանչյուր քայլը սահմանել նախնական գնի նվազագույնը 5 %-ի չափով:

4. Համայնքի ղեկավարին՝ Արգիշտի Մեխակյանին, իրականացնել սույն որոշումից բխող համապատասխան գործառույթներ՝ օրենքով սահմանված կարգով:

Կողմ-12 Դեմ-0 Ձեռնպահ-0

Որոշումն ընդունված է. /կցվում է որոշում N 21-Ա/

Լսեցին

ՀԱՄԱՅՆՔԱՅԻՆ ՍԵՓԱԿԱՆՈՒԹՅՈՒՆ ՀԱՆԴԻՍԱՑՈՂ ՀՈՂԱՄԱՍԵՐՆ ԱՃՈՒՐԴԱՅԻՆ ԿԱՐԳՈՎ ՕՏԱՐԵԼՈՒ, ՀԱՄԱՅՆՔԻ ԱՎԱԳԱՆՈՒ 2023 ԹՎԱԿԱՆԻ ՍԵՊՏԵՄԲԵՐԻ 12-Ի ԹԻՎ 108-Ա ՈՐՈՇՄԱՄԲ ՀԱՍՏԱՏՎԱԾ ՀԱՎԵԼՎԱԾԻ 17 ԿԵՏԸ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

/Զեկ. ԼՅՈՒԴՎԻԿ ՅԱՅԼՈՅԱՆ/

Զեկուցողը պարզաբանեց, որ համայնքում առկա համայնքային նշանակության հողամասեր /ցուցակը կցված է հավելվածով/ աճուրդային կարգով օտարելու համար դրվում է քննարկման, որի նախագծին ավագանու անդամները ծանոթացել են, ուստի առաջարկեց քննարկել: Ավագանու անդամ Գուրգեն Գրիգորյանն առաջարկեց տվյալ հողամասերի աճուրդի ժամանակ նախապատվություն տալ հողամասն օգտագործողին, սակայն Լյուդվիկ Յայլոյանը նշեց, որ այդ հողամասերն դեռևս չեն օգտագործվում որևէ անձի կողմից, ուստի կդառնա սեփականատեր այն անձը, ով կմասնակցի աճուրդին և կառաջարկի առավելագույն գին: Քննարկմանը մասնակցեցին նաև վարչական ղեկավարները և ստանալով իրենց կողմից բարձրացված հարցերի պատասխանները, առաջարկեցին շարունակել նիստը:

Ղեկավարվելով Հայաստանի Հանրապետության հողային օրենսգրքի 67-րդ հոդվածով, <<Տեղական ինքնակառավարման մասին>> Հայաստանի Հանրապետության օրենքի 18-րդ հոդվածի առաջին մասի 21-րդ կետով, <<Նորմատիվ իրավական ակտերի մասին>> Հայաստանի Հանրապետության օրենքի 36-րդ հոդվածի 1-ին մասի 1-ին կետով, 37-րդ հոդվածի 1-ին կետով, <<Հրապարակային սակարկությունների մասին>> Հայաստանի Հանրապետության օրենքով, և հիմք ընդունելով համայնքի ղեկավարի փոխարինող առաջարկությունը.

ՀԱՄԱՅՆՔԻ ԱՎԱԳԱՆԻՆ ՈՐՈՇՈՒՄ Է՝

1. Հայաստանի Հանրապետության Արմավիրի մարզի Խոյ համայնքի սեփականություն հանդիսացող հողամասերն օտարել աճուրդային կարգով՝ համաձայն հավելվածի:

2. Մասնակցության վճարը՝ 15000 /տասնհինգ հազար/ ՀՀ դրամ:
Նախավճարը՝ մեկնարկային գնի 50 %-ի չափով: Սահմանափակումներ չկան:

3. Հողատարածքի յուրաքանչյուր լոտի համար յուրաքանչյուր քայլը սահմանել մեկնարկային գնի նվազագույնը 5 %-ի չափով:

4. Համայնքի ղեկավարին՝ Արգիշտի Մեխակյանին, իրականացնել սույն որոշումից բխող համապատասխան գործառույթներ՝ օրենքով սահմանված կարգով:

5. Ուժը կորցրած ճանաչել էսոյ համայնքի ավագանու 2023 թվականի սեպտեմբերի 12-ի <<ՀԱՄԱՅՆՔԱՅԻՆ ՍԵՓԱԿԱՆՈՒԹՅՈՒՆ ՀԱՆԴԻՍԱՑՈՂ ՀՈՂԱՄԱՍԵՐՆ ԱՃՈՒՐԴԱՅԻՆ ԿԱՐԳՈՎ ՕՏԱՐԵԼՈՒ ԵՎ ՀԱՄԱՅՆՔԻ ԱՎԱԳԱՆՈՒ 2023 ԹՎԱԿԱՆԻ ՀՈՒԼԻՍԻ 10-Ի ԹԻՎ 74-Ա ՈՐՈՇՄԱՆ ՀԱՎԵԼՎԱԾԻ 1-ԻՆ, 8-ՐԴ, 9-ՐԴ 12-ՐԴ ԵՎ 13-ՐԴ ԿԵՏԵՐԸ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ >>թիվ 108-Ա որոշմամբ հաստատված հավելվածի 17 կետը:

Կողմ-12 Դեմ-0 Ձեռնպահ-0

Որոշումն ընդունված է. /կցվում է որոշում N 22-Ա/

Լսեցին

ԽՈՅԻ ՀԱՄԱՅՆՔԱՊԵՏԱՐԱՆԻ ԵՆԹԱԿԱՅՈՒԹՅԱՆ ՄԱՆԿԱՊԱՐՏԵՁ ՀՈԱԿ-ՆԵՐՈՒՄ ԾՆՈՂՎՃԱՐՆԵՐԻ ԳԾՈՎ ԱՐՏՈՆՈՒԹՅՈՒՆՆԵՐ ՍԱՀՄԱՆԵԼՈՒ ԵՎ ՀԱՄԱՅՆՔԻ ԱՎԱԳԱՆՈՒ 2022 ԹՎԱԿԱՆԻ ՆՈՅԵՄԲԵՐԻ 30-Ի N 147-Ա ՈՐՈՇՈՒՄԸ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

/Զեկ. ԼՅՈՒԴԻԿ ՅԱՅԼՈՅԱՆ/

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի առաջին մասի 42-րդ կետի պահանջներով, <<Նորմատիվ իրավական ակտերի մասին>> Հայաստանի Հանրապետության օրենքի 36-րդ հոդվածի 1-ին մասի 1-ին կետով, 37-րդ հոդվածի 1-ին կետով, <<Տեղական տուրքերի և վճարների մասին>> Հայաստանի Հանրապետության օրենքի 16-րդ հոդվածով, հիմք ընդունելով համայնքի ղեկավարի փոխարինողի առաջարկությունը.

ՀԱՄԱՅՆՔԻ ԱՎԱԳԱՆԻՆ ՈՐՈՇՈՒՄ Է՝

1. Սահմանել արտոնություններ Հայաստանի Հանրապետության Արմավիրի մարզի էսոյի համայնքապետարանի ենթակայության՝ համայնքային ոչ առևտրային կազմակերպություններում, մանկապարտեզներում երեխաների համար գանձվող ծնողվճարների գծով հետևյալ չափերով.

1) Ժամկետային կամ պայմանագրային զինվորական ծառայություն իրականացնելու ժամանակ զոհված զինծառայողների /հիմք ՀՀ ՊՆ տեղեկանք/ երեխաների և երկկողմանի ծնողազուրկ երեխաների համար գանձվող ծնողվճարների գծով սահմանել 100% արտոնություն

2) Ժամկետային կամ պայմանագրային զինվորական ծառայություն իրականացնելու ժամանակ հաշմանդամություն ձեռք բերած զինծառայողների /հիմք ՀՀ ՊՆ տեղեկանք/ երեխաների և միակողմանի ծնողազուրկ երեխաների համար գանձվող ծնողվճարների գծով սահմանել 50% արտոնություն (10000-5000(50%)=5000):

3) Նույն ընտանիքից միևնույն ժամանակ մանկապարտեզ հաճախող 2 և ավելի երեխաների համար գանձվող ծնողվճարների գծով սահմանել 50% արտոնություն (10000-5000(50%)=5000):

4) Նպաստառու ընտանիք հանդիսացող երեխաների համար գանձվող ծնողվճարների գծով սահմանել 30% արտոնություն (10000-3000(30%)=7000):

2. Ուժը կորցրած ճանաչել Հայաստանի Հանրապետության Արմավիրի մարզի Խոյ համայնքի ավագանու 202 թվականի նոյեմբերի 30-ի <<ԽՈՅԻ ՀԱՄԱՅՆՔԱՊԵՏԱՐԱՆԻ ԵՆԹԱԿԱՅՈՒԹՅԱՆ ՄԱՆԿԱՊԱՐՏԵՁ ՀՈԱԿ-ՆԵՐՈՒՄ ԾՆՈՂՎՃԱՐՆԵՐԻ ԳԾՈՎ ԱՐՏՈՆՈՒԹՅՈՒՆՆԵՐ ՍԱՀՄԱՆԵԼՈՒ ՄԱՍԻՆ>> N 147-Ա որոշումը:

Կողմ-12 Դեմ-0 Ձեռնպահ-0

Որոշումն ընդունված է. /կցվում է որոշում N 23-Ա/

Ավագանու անդամներ

ԼՅՈՒԴՎԻԿ ՅԱՅԼՈՅԱՆ

ՀՐԱՅՐ ԱՍԱՏՐՅԱՆ

ԳՈՒՐԳԵՆ ԳՐԻԳՈՐՅԱՆ

ԼՈՒՍԻՆԵ ԳՐԻԳՈՐՅԱՆ

ԼՅՈՒԴՎԻԿ ԵՂԻԱԶԱՐՅԱՆ

ԼԻԼԻԹ ԵՆԳԻԲԱՐՅԱՆ

ՌՈՒԲԵՆ ՆԱԼԲԱՆԴՅԱՆ

ԱՐԱՅԻԿ ՊԱՐՍԱՄՅԱՆ

ԱՐՏԱԿ ՊԵՏՐՈՍՅԱՆ

ԼԻԶԱ ՌԱՊՅԱՆ

ԻՐԻՆԱ ՍԻՐՈՒՆՅԱՆ

ԱՐՄԱՆ ՍՏԵՓԱՆՅԱՆ

Համայնքի ղեկավարի փոխարինող

ԼՅՈՒԴՎԻԿ ՅԱՅԼՈՅԱՆ

Նիստն արձանագրեց՝ Շողիկ Պողոսյանը